

无上黄籙大齋立成儀卷之二十五 竹五

太上執法仙士蔣叔與修

科儀門

飗猪儀先於醮壇設立香案
一雙法師同齋官上香

祝曰

具法位 臣某上啓

太上無極大道至真無上三十六部尊經真
文寶符太上三尊十方眾聖東極天宮長樂
舍內大慈仁者尋聲赴感太一救苦天尊東
方玉寶皇上天尊南方玄真萬福天尊西方
太妙至極天尊北方玄上玉晨天尊東北方
度仙上聖天尊東南方好生度命天尊西南
方太靈虛皇天尊西北方無量太華天尊上
方玉虛明皇天尊下方真皇洞神天尊朱陵
度命天尊轉輪聖王天尊超度化昇天尊大
慈大悲救苦真人大慈大悲大惠真人大慈
大悲拔罪真人大慈大悲拔度真人大陽養
儀帝君太陰結璘皇君中央北斗九皇君玄
中大法師三界官屬一切威靈巨闡元皇設
教俯為一切之含生黃籙垂科普度九幽之

苦趣建齋實修崇之本願播乃資俾之先將

啟靈壇宜騰寶號今謹有某官某正為七故
亦靈音屬

在會開建无上黃籙大齋用資超度肇崇實

利祇揭華幡企真馭之遐臨乞恩光之降鑒

願迴景耀燭以靈輝稱號一聞三塗隨聲而

離苦垂旃所捐八絃被蔭以遷并臣等修敬

以時歸誠如在懼人寒之溷濁勤天步之遠

邊仰賴至仁俯矜微素今有靈幡救罪神呪

謹為宣揚

黃籙開度 三界十方 四生六道 同到道場

生神遷魄 萬劫不忘 幡之為體 隨風飛颺

風之所被 各從其方 重陰之府 九夜之鄉

地獄餓鬼 旁生無缺 皆得解脫 上昇天堂

急急如太上度生律令

次揭幡 舉

靈幡救罪天尊

上來揭幡功德無量殊因並用回施十方三

界六道四生共證玄功同成道果為上因緣

念

大聖元始天尊太上大道君太上老君太一

救苦天尊十方救苦天尊不可思議功德

開啓轉經儀道東齋集經所面
三寶上帝前序立

舉啓堂頌

法師上香啓白

具法位 臣某焚香上啓

妙無上帝自然元始天尊無上道寶妙有上

帝虛皇玉宸大道君無上經寶至真大帝萬

變混沌玄元老君無上師寶昊天玉皇上帝

紫微天皇大帝紫微北極大帝太微南極長

生大帝東極太一救苦天尊十方尋聲救苦

天尊玉京玄都紫微上官十方大聖飛天上

真九天上帝五老上帝三十二天帝君日官

太陽帝君月官太陰皇君五星五德真君南

斗六司星君北斗七元星君二十八宿周天

分度星君九天天曹諸司真宰三官大帝五

師真君三十六部尊經三洞威神三寶官屬

天真皇人妙行真人十方無極飛天神王長

生大聖無量度人三洞四輔侍經真官玉童

玉女北陰玄天鄴都大帝十官真人扶桑大

帝暘谷神王三河四海九江水帝洞天福地

治化仙官五嶽聖帝里杜靈司虛空監察直符真事三界應感一切威靈普同供養

香乃玉華散景九炁凝烟香雲密羅運銜九天當願侍香金童傳言玉女傳臣啓奏上聞帝前令臣所啓感乞如言臣聞玉字金書道

闡重玄之化瓊章寶範文生空洞之先保鎮邦家超凌品彙神功靡測奧義難窮以今奉

為齋官正薦亡見某乙崇建无上黃籙大齋用祈昇濟預取合辰轉誦

太上諸部真經瓊函廣疏恭憑

道力普濟幽沉仰冀恩光俯垂證鑒臣下情無任虔懇皈依之至闕經文疏謹用表宣

宣闕經疏宣早能焚之

舉三皈依讚

舉道場衆等執簡當心平坐如法

舉讚詠如法 舉宿命讚

行者水淨手 敷經文

唱靜念如法 法師念玄鑑呪

啓經

雲篆太虛浩劫之初乍返乍還或沉或浮五

方徘徊一丈之餘天真皇人按筆乃書以演洞章次書靈符元始降下真文旋敷昭昭其有冥冥其無沉疴能自痊屢勞溺可浮幽冥

將有賴由是升仙都以今奉為神寶未處黃籙大齋主具官未伏為亡親正薦未並福祐見存善薦隨齋

集見前清衆開啓轉誦
太上洞玄靈寶諸品真經回獻

三寶上帝十極高真三元三界嶽地水府齋壇合會係照威靈并資俾亡靈十方罪奏真

經寶號功德圓滿別具表宣若乞

聖鑒昭回帝慈孚佑新地根於死尸業對停開鍊陰魄於生門形昇度八方清泰九夜煥明普令有識之含靈皆證無為之妙果為

上因緣念

大聖元始天尊太上大道君太上老君太一

救苦天尊九幽拔罪天尊朱陵度命天尊法橋大度天尊火鍊丹界天尊轉輪聖王天尊

隨願往生天尊道邊快樂天尊高真妙果天尊十方靈寶天尊不可思議功德

轉念如儀存思之法並見神虎告玉札儀

神虎告玉札儀先排神淨茶酒果供養

祝香
精誠所感萬靈迴臨丹懸上通千真畢集仗神靈而達悃假寶炷以傳心恭焚寶香供養

三清上聖十極高真北斗七星君北斗玄冥太一夫人天一北極神虎大聖太一紫元

玉札夫人雄左玉曹玄伯雌右武鸞主吏三部追魂使者直印三神七元玉女追魂攝魄

官君吏兵五道大神土地里域真官虛空監察應感威靈仗此真香普同供養

香乃玉華散景九炁凝烟香雲密羅徑銜九天侍香金童傳言玉女上聞帝前令臣所啓

咸賜如言今據入齋伏以陽生陰殺明善惡

以無私地濁天清定升沉而有自北魁星連攝之局南昌存鍊度之司可謂至道大慈明

真普度以今某人乞修齋直普福幽明謹按

金科宣行玉札庶使九泉開度六道蒙恩一

金科宣行玉札庶使九泉開度六道蒙恩一

切有情咸臻妙果當職清眾淨壇如儀

洒淨 再祝

死者不可復生故太上有返魂之法道者無為而化在元真垂普度之科欲使滯爽更生必先呼召魂識以我至定合彼有靈庶散積鬱陰氣弗忤冲和陽炁伏願神虎大聖追攝官君不忘元始教戒之言俯鑒齋主虔誠之懇尋聲赴感應念垂慈道眾虔誠一心奉請

請神虎眾聖

法師握訣召神臨目密呪

○玄天玉札 神虎符文 混元合炁 太一玄冥
追魂攝魄 開陽啓陰 萬神敬聽 敢不奉迎
神虎玉女 神虎大聖 追魂使者 攝魄吏兵
一召速至 不得稽停 稟受符命 宣告寒庭
追魂攝魄 現影現形 來臨法會 功奏玉宸

焚符存至上香獻茶酒

三獻法事如儀

祝白

頒符度錄咸連太上之科攝魄召魂並按元師之旨願飛雲馭過遠泉高導引魂儀來臨

法會具有壇撤謹用披宣

宣玉札撤文

向來壇撤已具敷宣伏請神虎二大聖三部使者七玉女等齋持玄冥隱書混元玉札上入九清下入九壘以至十方三界北陰酆都九幽諸獄洞府仙宮開闢啓路追取上件亡過赤魂及九州分野六道四生孤魂滯魄等眾速離所部來赴玄壇參朝

太上臨接陽眷無所不徃無所不達依准玄科玉律奉行幸勿稽延有妨開度

○焚符撤如式

法師步斗入斗口執水劍面東南立

呪曰

太一紫元君天一北祚敕神虎或飛運招攝一統隨玉札所至處十方精光都一吸急急如律令

如律令

法師取東南炁入水中呷水一口呪

曰

何喬二神將三部追魂使者速往生方死所追取亡過赤人魂魄速赴法會領受靈寶昇

度功德存持吏前去

念善散如儀

无上黃籙大齋立成儀卷之二十五